

KZN Sinode 2012 : BESLUITEREGISTER (Alfabeties)

Administratiewe reëlings (Notule, bladsy 5)

10.3.2.1 Aanbeveling: Die Sinodevergadering keur die reëlings vir die Sinodevergadering goed.

Goedgekeur.

Afvaardiging na die Algemene Sinode (Notule, bladsy 25)

1.1 Aanbeveling:

1.1.1 Vir praktiese doeleindes werk die sinode met 'n getal van sewe leraars en sewe kerkraadslede.

1.1.2 Bep 37.9.2 – Die vier lede van die moderatuur is reeds ingesluit in die afvaardiging.

1.1.3 Die sinode kies 'n verdere drie predikante en sewe kerkraadslede.

1.1.4 Die sinode kies sekundi vir sewe leraars en sewe kerkraadslede.

Hierdie afgevaardigdes geld as sodanig tot die volgende sinodesitting van die NG Kerk in KZN.

Goedgekeur.

Aanbeveling van TSSR (Notule, bladsy 26)

Die sinode besluit ringe wys twee leraars en twee kerkraadslede aan met die oog op afvaardiging na die Algemene Sinode. Die sinode gebruik hierdie name as groslys waaruit die vereiste getal leraars en kerkraadslede na die Algemene Sinode verkies word.

Goedgekeur.

VOORSTEL (Notule, bladsy 26):

Voorsteller: Alwyn Landman

Sekondant: A du Toit en Louis Nel

Hiermee insette ter versterking van verwysde saak oor afgevaardigdes na Algemene Sinode:

Ons stel voor dat daar ernstig besin moet word oor die samestelling van die afgevaardigdes na die AS.

Motivering:

1 Kan daar werklik van Algemene Sinode gepraat word as meer as 80% van gemeentes nie werklik sittingsreg het nie?

2 Kritiek op besluite van die Algemene Sinode het sterk vermeerder soos die getalle afgevaardigdes van gemeentes afgeneem het. Vergelyk bloot die toename in felheid van kritiek vanaf 2007 na 2011.

3 Gemeentes voel uitgesluit van die Algemene Sinode en daar word gepraat van "hulle" wat sinode gehou het in plaas van "ons" wat sinode gehou het.

4 Die tydsverloop van inligting wat vanaf die Algemene Sinode kom is bloot nie effektief nie. Kanse word so geskep wat kwaadwillige rapportering en verdagmaking vrye teuels gee.

5 Aangesien die gemeentes op 'n hersaamgestelde Algemene Sinodesitting sittingsreg behoort te hê, sal die gevoel van ervaring en deelname van die Algemene Sinode deur gemeentefafgevaardigdes na hulle onderskeie sinodes deurgegee word.

6 Effektiewe kommunikasie kan plaasvind, aangesien daar met eerste ontvangers van die boodskappe en besluite by die Algemene Sinode gewerk word. Die kanse vir verkeerde verstaan van besluite word so geminimaliseer.

7 Besluitneming word drasties verhaas by die Algemene Sinode en die heen en weer verkryging van toestemming of terugvoering wat uiters tydrowend is, word uitgeskakel.

8 Koste behoort nooit 'n verskoning te wees nie. Daar is baie maniere van kostebesparing en die kerk van Christus is innoverend hiermee.

9 Eienaarskap is 'n onontbeerlike element van enige organisasie. Met die huidige afvaardigingsmetode na die Algemene Sinode word hierdie element ontken. Gemeentes word die geleentheid ontnem om die Algemene Sinode hulle s'n te maak – hulle is bloot nie daar nie.

10 Kritiek op die besluite van die Algemene Sinode sal verminder, aangesien elke gemeente self daar was en hulle standpunte kon stel.

11 Eenheid sal 'n hupstoot kry en besluite so geneem sal meer impak maak. Laat 2,500 se stemme opgaan teen 200 en die verskil sal gehoor word.

Goedgekeur.

Afvaardiging na ASM (Notule, bladsy 27)

3.1 Aanbeveling:

Die sinode besluit dat die moderator die afgevaardigde na die ASM is en die assessor sy sekundus.

Goedgekeur.

Bepalinge Lêer : Wysigings en hersiening (Notule, bladsy 16)

5.1.1 Aanbeveling: Die SSR kry opdrag om die nodige redaksionele veranderinge in die Bepalinge Lêer insake benaminge en verwysings (byvoorbeeld na KO artikels en Reglemente) wat verander het, aan te bring.

Goedgekeur.

Verwys na nuwe Moderamen vir besluit (Notule, bladsy 25):

5.33.3 Die Sinodevergadering gee opdrag aan saamgestelde bedieningspanne om die toepaslike dele in Afdelings 3 en 4 van die Bepalinge Lêer te hersien met die oog op goedkeuring deur die Moderamen.

Goedgekeur.

(Besluite ten opsigte van wysigings in die Bepalinge Lêer word in die Notule op bladsy 16 tot 27 weergegee).

Bybelgenootskap (Notule, bladsy 9)

6 Aanbevelings:

6.1 Dit word aanbeveel dat die Sinode verteenwoordigers sal aanwys vir elk van die streekkomitees vir 'n nuwe termyn van drie jaar naamlik een geordende primariuslid asook 'n geordende sekunduslid plus een ongeordende primariuslid en 'n ongeordende sekunduslid (verkieslik 'n sakeman en/of ouderling), dws vier lede per streekkomitee. (Dit sal waardeur word as verteenwoordigers binne redelike bereikbare afstand van die streek se Bybelsentrum woonagtig sal wees.)

Goedgekeur.

Hulpverlening aan RCA en VGKSA gemeentes (Notule, bladsy 13)

3. Die Sinode besluit dat die SBS die hele saak van hulpverlening aan die RCA, URCSA en gemeentes soos volg hanteer:

Die hele saak van hulpverlening word deur die SBS hanteer, met 2 werkgroepe wat die toewysing aan gemeentes hanteer.

i. 'n Groep wat die gemeentes van die RCA & VGKSA se toedeling doen, word saamgestel uit verteenwoordigers van al drie kerke en funksioneer onder toesig van die KZN Outreach (ou Sendingkommissie), met verslag aan die SBS.

ii. 'n Groep wat die NGK gemeentes se toedeling doen funksioneer onder toesig van die SBS.

R 15 miljoen uit die algemene reserwe fondse van die sinode as 'n gemeentestruktuurondersteuningsfonds is vir die doel goedgekeur.

i. Die opbrengs word vir gemeentestruktuurhulpverlening aangewend.

ii. Vir die gemeentes van die VGK en RCA word die bedrag vir die huidige tot 'n maksimum bedrag van: R 1,1 miljoen vasgepen.

iii. Die opbrengs meer as R 1,1 miljoen word vir NGK hulpverlening aangewend.

iv. Indien die volle bedrag opbrengs nie gebruik word nie, word dit gekapitaliseer. Goedgekeur.

VOORSTEL (Sakelys, bladsy 147; Notule, bladsy 14)

Voorsteller: Mike Heaney

Sekondant: Marthinus van Rooyen

Die goedkeuring van aanbeveling 16.3 van die SOS verslag impliseer dat 'n plafon op die subsidiëring van salarisse van leraars en evangeliste in die VGK en RCA geplaas word. Derhalwe doen die sinode 'n beroep op gemeentes om biddend te oorweeg om op groter skaal betrokke te raak by hulpverlening aan VGK en RCA gemeentes, veral gesien in die lig daarvan dat behalwe die GEM-gebied ook Makatini, Msinga en Suid Natal streek op die tafel van die sinode kom. In die lig hiervan moet gemeentes ook gewillig wees om betrokke te raak by die ontwikkeling van ander gemeentes en ringe om self die tekorte aan te spreek.

Goedgekeur.

VOORSTEL: Sendingbegroting Makatini en Msinga (Notule, bladsy 14)

Voorsteller: Mike Heaney

Sekondant: Marthinus van Rooyen

Die sinode dra dit aan die SOS en relevante rolspelers op om weë/wyses te vind om die tekorte op die sendingbegroting te Makatini en Msinga te help subsidiëer/ondervang.

Goedgekeur.

KZN CMD Direkteurspos (Notule, bladsy 8)

Die sinode besluit:

- Die vakante PSD-Gemeenskapsbedieningspos, wat insluit die pos van Direkteur KZN CMD, word nie dadelik gevul nie. Hierdie PSD-pos bly voorlopig voortbestaan as 'n vakature.
- Vir die tussentyd word die funksies en die pligte van die Direkteur KZN CMD verdeel tussen bekwame personeel wat tans in diens van die KZN CMD is. (Daar is drie waarnemende Direkteursposte geskep wat die volgende velde bedien: Maatskaplike werk aangeleentede; Menslike Hulpbronne; en

Skakeling.)

- Om deurlopend die sake van die KZN CMD te bestuur word 'n Bestuurspan saamgestel, bestaande uit sewe hoofspelers binne die organisasie, wat gereeld onder die voorsitterskap van ds Philip Meyer vergader.
- 'n Jaarlikse subsidie van R300,000 vanuit die begroting van die NG Kerk in KZN word aan KZN CMD betaal. (In die begroting word o.a. voorsiening gemaak vir 'n jaarlikse oorbetaling van R50,000 aan die drie Kinderhuise, asook R36,000 aan NG Kerk Hayfields en R50,000 aan enkele Maatskaplike Werkers vir die uitkoop van dienste om die Direkteursfunksies voort te sit.)
- Die huidige PSD-Gemeentebediening, ds Ben van Dyk, is verantwoordelik vir alle PSD-kerklike funksies.
- Die SBS begelei ds Ben van Dyk in die uitwerk van 'n nuwe posbeskrywing na die sinodevergadering.
- Bostaande is 'n interimmaatreël vir, voorlopig, twee jaar. Verslag en toekomsaanbevelings word gedoen aan die Moderamenvergadering nie later as September 2014 nie.

Goedgekeur.

Lidmaattoerustingsprogram (Notule, Riglyne: bladsy 5, besluit : bladsy 7)

2.3.1 Aanbevelings:

2.3.1.1 Die Sinode keur die "Riglyne vir die opleiding van gelowiges in KZN" goed, met byvoeging van die volgende by 5.5: "asook die ring (vgl. Artikel 48.3.5.)."

2.3.1.2 Die Sinode versoek die SSR om die "Riglyne vir die opleiding van gelowiges in KZN" in die Bepalingelêer op te neem.

Goedgekeur.

Ondersteuning van Projekte (Notule, bladsy 11)

Aanbeveling TSOS:

Die sinode besluit dat die status quo gehandhaaf word en dat bogenoemde aanbevelings nie goedgekeur word nie.

Goedgekeur.

Predikante Pensioenfonds – Bestuur en verteenwoordiging (Notule, bladsy 12)

1. Die Sinode besluit dat die Pensioenfonds van die VGK predikante soos volg bestuur word:

- a. Dat 'n beleggingsrekening in die boeke van die Sinode oopgemaak word in die naam van elke betrokke leraar op dieselfde basis as ander beleggings by die Sinode.
- b. Dat rente maandeliks bygevoeg word teen dieselfde koers as wat ons aan ander betaal (prima min 5%).
- c. Dat die balans van die betrokke persoon se belegging dan op ouderdom 65 uitbetaal word of wanneer die persoon voor 65 sterf.
- d. Dat ons jaarliks 'n staat aan die betrokke persoon stuur met die saldo van die rekening.

Goedgekeur.

VOORSTEL: (Notule, bladsy 15)

Die Sinode besluit dat ds BJ van Dyk (Primarius) en dr Barry Tolmay (Sekundus) die werkgewer verteenwoordig by die Predikante Pensioenfonds en Groepkemas.

Goedgekeur.

Sinodale Bedieningspan: Samestelling (Notule, bladsy 10)

Aanbeveling: Die SBS word saamgestel uit ses lede (PSD plus nog 5 lede).

Goedgekeur.

Sinodale Bydraes : Formule (Notule, bladsy 14)

5. Die Sinode besluit dat die huidige formule vir Sinodale bydraes soos volg gewysig word:

Geen inflasie aanpassing in die toekoms nie.

Die persentasies verander soos volg:

- Predikantsposte 4%
- Skuld 6%
- Balans 9%

Die res van die formule bly dieselfde.

Die besluiteregister Deel 6 word ook soos volg gewysig:

a. bl 9, punt 2.2 die volgende sin word geskrap: “en deur die SOS aangepas met ‘n bedrag wat nie hoër is as die amptelike inflasiekoers nie (VPI indeks)”.

b. bl 10, punt 6.1.3 word verander na: “9% op die res van die inkomste van die gemeente”.

c. bl 10, punt 6.11 word bygevoeg: “Enige bydrae van ‘n gemeente aan die CMD word afgetrek van die inkomste van die gemeente voor Sinodale bydraes daarop bereken word”.

d. bl 14, punt 15: die volgende sin word geskrap: “alleenlik addisionele kollektes”.

Goedgekeur.

Sinodale Kollektes : NID (Notule, bladsy 15)

7. Die Sinode besluit dat kollektes vir en bydraes aan die NID (Nasionale Instituut vir Dowes) vir teologiese opleiding by NID vrygestel word van sinodale bydraes.

Goedgekeur.

Sinodale Personeel : Verlof (Notule, bladsy 16)

Aanbeveling: Die sinode keur goed dat die kantoorpersoneel een ekstra dag verlof ontvang uit waardering vir die harde werk om gereed te maak vir die Sinodevergadering.

Goedgekeur.

Sinodale Sentrum : Verkoop (Notule, bladsy 15)

8. Die Sinode besluit dat die Sinodale Sentrum nie aan Netcare verkoop word nie.

Goedgekeur.

Subsidiëring van Mediese Fondsbydraes (Notule, bladsy 13)

Die sinode besluit dat:

- i Die sinode 'n bedrag van R8 miljoen belê en die opbrengs aangewend sal word om die mediese subsidies te help finansier.
 - ii Die gemeentes in KZN sal soos in die verlede nog steeds 'n bydrae maak tot die bekamping van die emeriti se mediese uitgawes en die beginsel van kruissubsidiëring sal steeds toegepas word.
 - iii Die sinode dra dit aan die SOS op om 'n reglement vir die subsidiëring van emeriti ten opsigte van mediese fondsbydraes daar te stel en aan die moderamen voor te hou vir afhandeling.
 - iv Die saak van uitfasering terugverwys word na die SOS.
- Goedgekeur.

Verteenwoordiging by verskillende Kuratoria- Bepaling 37.10.4 (Notule, bladsy 27)

2.1 Aanbeveling:

2.1.1 Die sinode voeg 'n nuwe Bepaling 37.10.4 in: "Die verkose aktuaris verteenwoordig die sinode by die Algemene Kuratorium."

Goedgekeur.

2.1.2 Die sinode handhaaf bepalings 37.10.1.1 tot 37.10.1.3 vir twee jaar waarna die Moderamen afvaardiging na streekskuratoria heroorweeg.

Goedgekeur.

